

## **Theologia Scholastica Secundum Viam Et Doctrinam D. Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

§. III. Potestas ferendi leges Ecclesiasticas.

---

[urn:nbn:de:hbz:466:1-74152](#)

quatenus animarum salutis adversantibus: ita quippe in c. vigilante & c. fin. de praeser. abrogavit legem civilem permittentem præscriptionem cum mala fide. in c. cum haberet, de eo, qui duxit in matrimonium, præcipit, illegitimis liberis alimento præberi, quæ per leges civiles denegantur; inio sapientis de integris regnis disponit; ita Zancharias Pont. Childerico III. Regi ex auctorato ad ipsorum Francorum preces Pipinum substituit. Leo III. in Carolum M. jus Occidentalis Imperii transtulit. Innocentius IV. in Conclilio Lugdunensi Fridericum II. Imperio dejectit. [Vide plurima exempla in citato Regali Sacerdot.]

Respondeo. Hæc omnia à Summo Pontifice non ex vi potestatis directæ, sed indirecta in jura & bona temporalia: nam imperia, regna & reges, quatenus ad finem salutis aeternæ subordinantur, etiam Ecclesiasticae potestati, que alter fidelium saluti non possit prospicere, subjiciuntur.

II. Quæres quartò. An etiam in foemina seu Regia hæredi regni legislativa potestas locum habeat?

Respondeo affirmativè. Cùm enim suprema potestati & Regia jurisdictioni annexa sit legislativa potestas, si foemina Regis successionis & gubernationis, pariter & legislativa potestatis erit capax. Nec obilitat, quod Apostolus i. Tim. 2. Matrirem docere non permittit. Et in l. foemina ff. de R. I. dicitur: Foeminas ab omnibus officiis civilibus vel publicis remotas esse, & ideo nec Juges esse posse, nec magistratus gerere. Nam Apostolus loquitur de publica & concionatoria doctrina fidei in Ecclesia, lex vero loquitur de foeminis fortis inferioris, non de præcentibus, & in summo regimine constitutis. V. Suar. I. 3. c. 9.

### §. III.

#### Potestas ferendi leges Ecclesiasticas.

12. Quæres primò. An potestas legislativa in Ecclesia sit juris Divini?

Respondeo primò. Potestas legislativa pro tota Ecclesia est in Summo Pontifice immediate collata à Christo. Ita DD. Catholicæ. Ratio est: Christi in terris Vicarius habet supremam jurisdictionem & potestatem gubernativam, ad eoque & legislativam in Ecclesiam, & quidem jure Divino, seu immediate à Christo: sed Summo Pontifice legitime in Cathedra Romana succedens Petro est Christi in terris Vicarius; ergo jure Divino habet potestatem legislativam in totam Ecclesiam. Major fundatur in duplice loco Evangelii, uno quo Christus potestatem gubernativam Petro promisit, Matth. 16. Tu es Petrus, & super hanc petram edificabo Ecclesiam meam. Et tibi dabo claves regni celorum. In altero, quo tradidit: Jo. 21. Pascœ oves meas, quo verbo paſſendi supremum Ecclesiæ regimen & cura pastoralis designatur, Quemadmodum 2. Reg. 5. indicatur: Tu pascœ populum meum Israel, & eris Princeps super eum. Minor pariter ostenditur: Per hæc verba suprema potestas in Ecclesiam eo fine Petro fuit tradita, ut Ecclesia in ipso tanguam petræ solidata contra persecutions invicta pe-

rennaret: atque hoc non obtineretur, nisi una cum Ecclesia etiam officium supremi hierarchatus perennaret. Unde Adrianus Papa in Epistola ad Imp. quæ refertur in 7. synod. act. 2. Ab ipso, inquit, Redemptore mundi B. Petro Apostolo principatus ac potestas data est, & per eundem Apostolum Catholicæ & Apostolicæ Ecclesia Romana usque hædenus tenet principatum, & potestatis auctoritatem. Et in e. novit. de judicis dicitur: Potestas nostra non ex bono, sed ex DEO est. Neque refert quid electio ad Papatum fiat ab hominibus: quia cùm legitima successio non fiat jure sanguinis, aut modo hereditario, sed viæ electivæ designationis; idcirco electores designant quidem personam, quæ Petro succedat, non tam tribuit jurisdictionem, quam ipsimet nunquam habuerunt; sed posita hæc designatione tanquam necessariâ conditione, potestas jurisdictionis suprema immediate confertur à Christo.

Respond. secundò. Potestas ferendi leges universales pro tota Ecclesia eodem jure competit Concilio oecumenico, quia illud representat totum corpus Ecclesie, habetque influxum auctoritatis à presidentia Romani Pontificis, tanquam Capitis, cujus munus est Generalia Concilia convocare, præsidere, approbare, confirmare. Unde si Concilium sit acephalum, & Papali auctoritate destitutum, nullâ potius potestate legislativa, quippe carens jurisdictione requisita.

Sed quid si Concilium congregetur Sede vacante, vel tempore schismatis?

Respondeo: Posse quidem leges universales condere, inquantum exigit temporum necessitas; quæ tamen non aliter sunt habiture efficaciam, nisi cùm à sequenti Romano Pontifice fuerint approbatæ, vel ab Episcopis congregatis pro singulis suis diocesisbus acceptatae, in iisque promulgatae. Ratio est: quod tale Concilium jurisdictionem pro tota Ecclesia nec habet à Summo Pontifice ut lupponitur, neque à jure Divino, de quo nec scripto, nec traditione constat. Plus ergo potestatis non habet quæcumque corpori mystico jure naturæ competit, ut in defectu capituli per Principes congregatos possit se gubernare, suoq[ue] bono prospicere, quousque legitimum caput obtinuerit. Ita Suar. I. 4. c. 6.

Respondeo tertio. Episcopi obtinent potestatem legislativam pro suis diocesisbus, non quidem immediatè, sed mediata à Christo acceptam. Et prima quidem partis ratio est: quia intantum habent potestatem condendi leges, inquantum sunt Pastores & Rectores Ecclesie: sed sunt Rectores Ecclesie, non quidem universalis sed quilibet sua particularis Diocesanæ, juxta illud D. Pauli Ad. 20. Vos Spiritus S. posuit regere Ecclesiam DEI: ergo quilibet respectu sua Ecclesiæ diocesana habet auctoritatem leges ferendi. Ita habetur c. 2. de major. & obed. c. 2. de constitutione.

Secunda partis, quam contra Vafq. tuerit Suarez cum communis, Ratio est: quia jurisdictione Episcopalis, cuius pars est legislatio, per Summum Pontificem sepe limitatur, ampliatur, auctoratur, non habentibus ordinem Episcopalem confertur, ab Episcopis non conferatis & solidum confirmatis exercetur, quod evidens signum est, potestatem jurisdictionis à Summo Pontifici, in Episcopos immediate